

և և նրա միջնորդութեամբ էլ՝ բուն Հայաստանին: Աւելին կ'ասենք. եթէ անգամ երբ և է հնարաւորութիւն ստեղծուի, արդ զաւտող Հայաստանին կցելու, վերջինս դարձեալ պիտի հրատարուի նման «դանայեան նուէրից», իր իսկ շահերի տեսակէտից:

Բայց այդ պատճառ չէ երբեք, որ վրացիք մոռացութեան տան երբ և է, թէ հայութիւնը թէկուզ մի հատիկ թիֆլիս քաղաքում ինչ է կորցնում:

Նախընթաց յօդուածները մէկում մենք ասել ենք արդէն, թէ ազգային և հայկական ինչ հարստութիւններ են մնացել Վրաստանում: Բայց, նիւթական հարստութիւնից դուրս արտեղ ենք թողնում մենք նաև մարդկային աճազին հարստութիւններ, առաւելագոյն հայերով բնակուած ամբողջ շրջաններ:

Այսպէս, համաձայն նախապատերազմեան վիճակագրութեան, թիֆլիսի գաւառում (քաղաքը մէջը հաշուած) 1913 թուականին 130 հազար վրացիի հանդէպ 151 հազար հայութիւն կար (ոուս՝ 92 հազար, մահմեդական՝ 28 հազար): Թիֆլիս քաղաքի ազգաբնակչութեան 43-45 տոկոսը հայեր են, յետոյ գալիս են ուսները, երրորդ տեղը միայն՝ վրացիք: Հայոց այդ բազմաթիւ մեծամասնութիւնը (թիֆլիսում) այսօրուայ իրականութիւն չէ միայն, այլ դարերի: 100 տարի առաջ՝ հայերը շատ աւելի մեծամասնութիւն էին կազմում այնտեղ, քան այսօր:

Մի ուրիշ պարագայ ևս: Մինչդեռ թիֆլիսի գաւառի հիւսիսային մասում միայն ուժեղ է վրացական տարրը, հայութիւնը ուժեղ է, ընդհակառակը, գաւառի հարաւում, այսինքն՝ դէպի Հայաստան տարածուող գաւառամասում: Այդտեղ վրացական տարրը շատ թույլ է: Կարծէք հէնց թիֆլիս քաղաքից է սկսում տարբերութիւնը: Թիֆլիսից այն կողմը, դէ-

պի հիւսիս, հայ տարր շատ քիչ կայ, եղածն էլ վրացախօս է:

Արդ թէ հարիւր հազարաւոր հայեր, հայկական բազմաթիւ գիւղեր Վրաստանի սահմանի մէջ թողնուիլ կարող են, ինչո՞ւ Հայկական Բորչալուն Հայաստանին չպիտի վերադարձուի: Ձէ՞ որ նրա կենդրոնն անգամ, նախկին Ծուլաւէրը կամ այսօրուան Ծախումեանը դուր հայաբնակ գիւղաքաղաք է, Խրամի աջկողմը: Ընդունինք մինչև և իսկ, որ այնտեղ մի քանի, ասենք 10-15 հազար վրացի կայ (դրա կէսն էլ չկայ սակայն): Ինչո՞ւ այդ մի քանի հազար վրացու մնալը Հայաստանում՝ մեղք բան պիտի համարուի, մինչ անդին հարիւր հազարաւոր հայեր կան Վրաստանում:

Բայց, ինչպէս ասել եմ ուրիշ անգամներ, այստեղ ևս չեշտում եմ. այս բոլոր հարցերը և նրանցից բխող պահանջները մենք ուղղելու ենք ոչ թէ վրացիներին և Վրաստանին, այլ՝ ուսաներին և Ռուսաստանին: Ինչպէս երէկ, այնպէս և այսօր նրանք են Հայաստանը յօշոտողները, մեր հարեւաններին փեշքէշ անողները: Խորհրդային Ռուսաստանն էր, որ վաճառքի առարկայ դարձրեց մեր գաւառները և նահանգները: Նա էր, որ Բաթումը փրկելու համար Սուրմալուն մանր դրամի վերածեց:

Վերջապէս, նոր սահմանադրութեան մտնելի խնդիրը ներքին խնդիր է, որ Մոսկուան կարող է և պարտաւոր էլ է անել: Պետականութեան, արտաքին և այլ հարցեր ու բարդութիւններ չկան մէջտեղ, այլ՝ ներքին վարչական քեֆորմի հարց միայն, որի յաջող կարգադրութեան համար հարկաւոր է մէկ բան միայն — չարհամարհել ժողովուրդների կամքը, հաշուի առնել նրանց անտեսական և մահաւանդ ազգային-մշակութային պահանջները, զօրով չլողկել նրանց իրենց ազգային, հարազատ օրդանիւղից:

(Շարունակելի)